

# Lelaki warga asing main judi di tempat awam dipenjara

**MIRI:** Seorang lelaki warga asing dijatuhi hukuman penjara sebulan oleh Mahkamah Majistret di sini, semalam atas kesalahan bermain judi di tempat awam.

Mahkamah turut memerintahkan tertuduh dirujuk ke Jabatan Imigresen untuk tujuan pengusiran setelah selesai menjalani hukuman penjara kelak.

Syarief Ahmad dari Jakarta Timur, Indonesia,

telah didakwa mengikut Seksyen 7 (2) Akta Rumah Judi Terbuka 1953 yang memperuntukkan denda tidak melebihi RM5,000 atau penjara hingga enam bulan atau kedua-duanya sekali, jika sabit kesalahan.

Menurut keterangan kes, tertuduh didapati telah bermain judi jenis judi dalam talian di tempat awam.

Dia didakwa melakukan kesalahan itu pada jam 1.30

pagi, 11 September lalu di hadapan sebuah restoran di Jalan Kwangtung di sini.

Di hadapan mahkamah, tertuduh yang tidak diwakili peguam bela merayu agar hukuman ke atasnya diringankan memandangkan ini adalah kesalahan pertamanya.

Pendakwaan kes dilakukan Inspektor Mudzilawati Abdul Rahman di hadapan Majistret Sandy Yvette Freddy.